

AN ATON MINISTERYO HA GINHADIAN

MAYO 2011

SEMANA HAN MAYO 9

Karantahan 58 Ngan Pag-ampo

□ Pag-aram ha Biblia han Kongregasyon: cl kap. 4 ¶9-16 (25 min.)

□ Teokratiko nga Eskwelahan ha Ministeryo:

Pagbasa han Biblia: Salmo 1-10 (10 min.)

Num. 1: Salmo 7:1-17 (4 min. o minos pa)

Num. 2: Kon May Sumiring: "Ginkarawat Ko Na hi Jesus Sugad nga Akon Manluluwas"—rs-E p. 220 ¶1 (5 min.)

Num. 3: Kon Kay Ano nga Ginsaway ni Jesus an Tawo nga Nagtawag ha Iya nga "Maopay nga Magturutdo"—Mar. 10:17, 18 (5 min.)

□ Katirok ha Pag-alagad:

Karantahan 4

5 min: Mga Pahibaro.

10 min: Kinahanglan Sundon Naton an Dios Sugad nga Magmarando Imbes an mga Tawo. (Buh. 5:29) Pakighisgot basado ha 2011 Yearbook, pahina 219, parapo 4, tubtob ha pahina 221, parapo 2. Katapos hisgotan an tagsa nga eksperyensa, aghata an mamarati nga isumat an leksyon nga ira nahibaroan.

10 min: Mahimo Ka ba Mag-auxiliary Payunir ha Tiarobot nga mga Bulan? Pakighisgot. Repasoha hin madaliay an mga kwalipikasyon ha pahina 112-113 han Organisado nga libro. Ipasumat ha mga nag-auxiliary durante han ira bakasyon ha trabaho o ha eskwelahan an mga bendisyon nga napahimulosan.

10 min: "Iglawag Niyo an Iyo mga Suga." Pakiana ngan baton. Aghata an mamarati ha pagsumat hin personal nga eksperyensa kon paonan-o an maopay nga pamatasan nag-abri hin higayon nga makagsangyaw.

Karantahan 93 Ngan Pag-ampo

"Iglawag Niyo an Iyo mga Suga"

¹ Tikang ha pagsidlit han adlaw tubtob ha katunod hito, an pagkamakaruruyag han literal nga kalamrag nagdadayaw kan Jehova. Kondi, iba nga klase hin kalamrag an igin-aghat ni Jesus nga pagtag-iyahon han iya mga disipulo—an 'kalamrag han kinabuhi.' (Juan 8:12) An pagtag-iya hini nga espirituwal nga kalamrag espesyal nga pribilehiyo nga nag-uupod hin seryoso nga responsabilidad. Hi Jesus nagsugo: "Iglawag niyo an iyo mga suga ha atu-

1. Ano nga pribilehiyo an sadang naton ipaangbit yana?

banghan han mga tawo," basi makapahimulos an iba. (Mat. 5:16) Tungod han duro nga kasisidman ha espirituwal yana, mas kinahanglan gud naton ipaangbit ini nga kalamrag! Paonan-o naton masubad hi Jesus ha 'paglawag' han kalamrag?

² **Pinaagi ha Pagsangyaw:** Gin-gamit ni Jesus an iya panahon, kusog, ngan panag-iya basi isumat an kalamrag han kamatuoran ha mga tawo diin man hira mabilngan—ha ira balay, ha mga plasa, ngan ha kabukiran. Maaram hiya han nagpapadyon nga kapulsanan ha pagtagana han tinuod nga espirituwal nga kalamrag. (Juan 12:46) Basi mas damu an masumatan hito, gin-andam ni Jesus an iya mga disipulo nga magin "an kalamrag han kalibotan." (Mat. 5:14) Iginlawag nira an ira kalamrag pinaagi ha pagbuhat hin maopay ha ira igkasi-tawo ngan ha pagpaangbit han espirituwal nga kamatuoran.

³ Para ha katawohan han Dios seryoso nga responsabilidad an padayon nga 'paggawi sugad nga mga anak han kalamrag,' ngan pagsangyaw ha mga tawo diin man hira mabilngan. (Efe. 5:8) Bisan an pagbasa la ha kadaygan han Biblia o han iba ngan publikasyon durante han *break* ha trabaho o ha eskwelahan mahimo magresulta nga may makaisitorya ka mahitungod han Biblia. Hini nga paagi, nakagtikang hin pag-aram ha Biblia an usa ngan batan-on ngan nakapahamutang hin mga libro ha 12 niya nga kaklase!

⁴ **Pinaagi ha Maopay nga Panggawi:** An paglawag han kalamrag nag-uupod liwat han aton panggawi ha adlaw-adlaw. (Efe. 5:9) Ha trabaho, ha eskwelahan, ngan ha panpubliko nga mga lugar, na-kikita han iba an Kristiano nga panggawi ngan naghahatag hin higayon nga makasangyaw. (1 Ped. 2:12) Pananglitan, naaghay an maestra hin singko anyos nga bata ngan tumawag ha mga kag-anak hito ngan sumiring, "Waray pa gud ako makakita hin bata nga determinado ha pagbuhat han husto ga-was ha iya!" Oo, an aton ministeryo ngan maopay nga panggawi nakakadani ha mga tawo tipakadto ha 'kalamrag han kinabuhi' ngan nagdadara hin kadawayan ha aton Dios.

2. Paonan-o iginpakita ni Jesus an pagkaimportante han pagpaangbit han espirituwal nga kalamrag?
3. Paonan-o naton maipapakita an tinuod nga apresasyon ha kalamrag han kamatuoran?
4. Kay ano nga upod ha aton 'paglawag' hin kalamrag an maopay nga panggawi?

SEMANA HAN MAYO 16

Karantahan 96 Ngan Pag-ampo

❑ Pag-aram ha Biblia han Kongregasyon:

cl kap. 4 ¶17-23, kahon ha p. 45 (25 min.)

❑ Teokratiko nga Eskwelahan ha Ministeryo:

Pagbasa han Biblia: Salmo 11-18 (10 min.)

Num. 1: Salmo 17:1-15 (4 min. o minus pa)

Num. 2: Kon Paanon-o Naton Iginpapakita nga hi Jehova La an Aton Ginsisingba—Roma 6:16, 17 (5 min.)

Num. 3: An mga Judio ba Yana an Pinili nga Katawohan han Dios?—rs-E p. 220 ¶2-p. 221 ¶4 (5 min.)

❑ Katirok ha Pag-alagad:

Karantahan 127

5 min: Mga Pahibaro.

10 min: Gamit hin mga Pakiana Basi Epektibo nga Makagtutdo—**Bahin 1.** Pakighisgot basado ha Eskwelahan ha Ministeryo nga libro, pahina 236 tubtob ha pahina 237, parapo 2. Ipapasundayag hin madaliay an usa o duha nga punto ha reperensya.

10 min: Mga Paagi ha Pagsangyaw han Maopay nga Sumat—Pagbalik Bisita. Pahayag basado ha Organisado nga libro, pahina 96, parapo 4, tubtob ha pahina 97, parapo 1-2. Magkaada halipot nga pasundayag diin an usa nga tigurang nagbabalik-bisita ha usa nga kinarawat hin tanyag para hini nga bulan.

10 min: “Mahimo Ka ba Makigbahin ha Ministeryo Durante han Domingo?” Pakiana ngan baton.

Karantahan 115 Ngan Pag-ampo

Mahimo Ka ba Makigbahin ha Ministeryo Durante han Domingo?

¹ Adlaw han Sabbath adto, an adlaw nga napahuway an kadam-an nga Judio ha Filipos. Hi Pablo ngan an iya mga igkasi-misionero binisita hito nga syudad. Waray magpapakaraot ha ira kon magpahuway hira kay kinahanglan man nira ito. Kondi maaram hira nga an mga Judio nagkakatirok ha gawas han syudad basi mag-

1. Ano nga leksyon an aton mahibaraoan ha ginbuthat ni Pablo ngan han iya mga igkasi-misionero ha Filipos?

ampo, salit ginsalingabot nira an higayon ha pagsangyaw ha ira. Nalipay gud hi Pablo ngan an iya mga igkasi-misionero han namati hi Lydia ngan nabawtismohan pati an iya bug-os nga pamilya! (Buh. 16:13-15) Damu liwat an napahuway yana kon Domingo, salit kay ano nga diri maggahin hin panahon hini nga adlaw ha pagsangyaw?

² An Pangalimbasog nga Makagsangyaw ha Domingo:

Han 1927, gin-aghat an katawahan ni Jehova nga maggahin hin panahon ha ministeryo kada Domingo. Nagresulta ini hin pagkontra. Damu an gin-aresto ha Estados Unidos ha pagtalapas han balaud han Sabbath ha Domingo, pagsamok han kamurayawan, ngan pamaligya nga waray permiso han gobyerno. Kondi waray ito magpaundang ha katawahan ni Jehova. Han dekada han 1930, nag-organisa hira hin “divisional campaigns,” diin an mga magwarali ha kahirani nga mga kongregasyon nagbuburublig ha pagkobre hin territoryo. Usa ka beses han gin-aaresto an mga magwarali, waray hira mapauandang han mga awtoridad tungod kay damu hira. Ginalapay mo gud ba an mga sakripisyohito nga kabugtoan basi makagsangyaw kita nga waray pagkontra durante han Domingo?

³ **Maopay nga Adlaw ha Pagsangyaw:** Damu an waray trabaho kon Domingo ngan aada la ha ira balay salit mas relaks hira. An iba nga relihiyoso bangin mas andam makig-istorya mahitungod ha Dios hito nga adlaw. Kon ha Domingo an aton katirok, diri na naton kinahanglan magliwan pa para ha ministeryo, salit kay ano nga diri magplano ha pagsangyaw antes o katapos hito? Kon kinahanglan, pagbalon na la.

⁴ Kon maggahin kita hin panahon ha ministeryo durante han Domingo, may panahon pa gi-hap kita ha pagpahuway nga *aton* gud ginkikinahanglan. Ngan magigin tagbaw kita tungod kay nakigbahin kita ha sagrado nga buruhaton. (Prob. 19:23) Mahimo pa ngani naton maekspresyahan an kalipay ha pakabiling hin mga tawo nga pariho kan Lydia!

2. Ano nga mga ulang an nalampasan han katawahan ni Jehova basi makagsangyaw nga waray pagkontra durante han Domingo?

3. Kay ano nga maopay nga adlaw ha pagsangyaw an Domingo?

4. Ano an mga kapulsanan han paggahin hin panahon ha ministeryo durante han Domingo?

SEMANA HAN MAYO 23

Karantahan 39 Ngan Pag-ampo

❑ Pag-aram ha Biblia han Kongregasyon:

cl kap. 5, ¶1-8 (25 min.)

❑ Teokratiko nga Eskwelahan ha Ministeryo:

Pagbasa han Biblia: Salmo 19-25 (10 min.)

Num. 1: Salmo 23:1-24:10 (4 min. o minus pa)

Num. 2: Makukombirte ba an Ngatanan nga Judio nga Tumoo kan Kristo?—rs-E p. 222 ¶1-2 (5 min.)

Num. 3: Paonan-o Ngan San-o Matutuman an Roma 8:21? (5 min.)

❑ Katirok ha Pag-alagad:

Karantahan 78

10 min: Mga Pahibaro. "Kon Paonan-o Gagamiton an Please Follow Up (S-43) nga Porma." Pakighisgot.

10 min: Tulo nga Aspekto han Epektibo nga Introduksyon. Pahayag basado ha *Reasoning*, pahina 9, parapo 1. Katapos hisgotan an reperensya, magkaada duha nga pasundayag nga nagpapakita kon ano nga introduksyon an mahimo gamiton may kalabotan ha tanyag para ha Hunyo.

15 min: Nasarihan Mo Na ba Ito? Pakighisgot. Pinaagi hin pahayag, repasoha hin madaliay an impormasyon hini nga mga artikulo ha *Aton Ministeryo*: "Bag-o nga Artikulo Para ha Pagtikang hin Pag-aram ha Biblia" (km 12/10) ngan "Bulig Para ha mga Pamilya" (km 1/11). Aghata an mamarati ha pagkomento kon paonan-o nira gin-aplikar an mga suhestyon hini nga mga artikulo ngan kon paonan-o hira nagpahimulos hini.

Karantahan 56 Ngan Pag-ampo

SEMANA HAN MAYO 30

Karantahan 33 Ngan Pag-ampo

❑ Pag-aram ha Biblia han Kongregasyon:

cl kap. 5 ¶9-17 (25 min.)

❑ Teokratiko nga Eskwelahan ha Ministeryo:

Pagbasa han Biblia: Salmo 26-33 (10 min.)

Num. 1: Salmo 31:9-24 (4 min. o minus pa)

Num. 2: Mga Ehemple ha Biblia han Nagpakita hin Tinuod nga Pagpaubos (5 min.)

Num. 3: Kinahanglan ba Tumoo kan Jesus an mga Judio Basi Maluwas?—rs-E p. 222 ¶3-p. 223 ¶1 (5 min.)

❑ Katirok ha Pag-alagad:

Karantahan 38

10 min: Mga Pahibaro. Gamit an sampol nga presentasyon ha pahina 4, ipapasundayag kon paonan-o makakagtikang hin pag-aram ha Biblia ha siyahan nga Sabado ha Hunyo. Dasiga an ngatanan nga makigbahin.

15 min: Kon Paonan-o an Pagsaliksik. Pakighisgot basado ha *Eskwelahan ha Ministeryo* nga libro, pahina 33-38. Magkaada halipot nga pasundayag diin an magwarali nakikiistorya ha iya kalugaringon may kalabotan ha mga garamiton ha pagsaliksik basi mabilngan an baton ha pakiana han iya nasangyawan.

10 min: Pag-andam ha Pagtanyag han mga Magasin ha Hunyo. Pakighisgot. Repasoha ha sulod hin usa o duha ka minuto an pipira nga artikulo ha mga magasin. Katapos hisguti an duha o tulo nga artikulo ngan aghata an mamarati nga mag-suhestyon hin mga pakiana ngan mga teksto nga magagamit ha pagtanyag hito. Ipapasundayag kon paonan-o itatanyag an tagsa nga magasin.

Karantahan 113 Ngan Pag-ampo

Kon Paonan-o Gagamiton an Please Follow Up (S-43) nga Porma

Ini nga porma gagamiton kon may-ada kamo makaistorya nga interesado nga an balay diri sakop han iyo territoryo o iba an yinaknan. Bisan kon ha naglabay ginagamit naton ini nga porma para ha aton naka-storya nga iba an yinaknan, interesado man hiya o diri, yana gagamiton la ini kon an tawo nagpapakita hin interes. Kondi kon ngula an makaistorya, gagamiton naton an S-43 nga porma, nagpapakita man hiya hin interes o waray.

Ano an bubuhaton katapos masuratan han gin-aaro nga impormasyon ito nga porma? Ihahatag ito ha sekretaryo han kongregasyon. Kon maaram hiya kon diin ito ipapadara, mahimo na la niya ipadara ito ha mga tigurang hito nga kongregasyon basi maataman an interesado. Kondi kon diri, ipapadara niya ito ha Sanga nga Opisina.

Kon iba an yinaknan han interesado ngan an iya balay sakop han iyo territoryo, mahimo mo hiya padayon nga bisitahan basi mapatubo an interes tubtob nga mabisita hiya hin magwarali nga pariho ha iya an yinaknan.—Kitaa an *Aton Ministeryo* han Nobyembre 2009, pahina 4.

SEMANA HAN HUNYO 6

Karantahan 68 Ngan Pag-ampo

Pag-aram ha Biblia han Kongregasyon:

cl kap. 5 ¶18-21, kahon ha p. 55 (25 min.)

Teokratiko nga Eskwelahan ha Ministeryo:

Pagbasa han Biblia: Salmo 34-37 (10 min.)

Num. 1: Salmo 35:1-18 (4 min. o minus pa)

Num. 2: An mga Nahitatabo ba Yana ha Isra-el Katumanan han Tagna ha Biblia?—rs-E p. 223 ¶2-p. 224 ¶2 (5 min.)

Num. 3: Ano an Aton Mahibabaroan ha Lukas 12:13-15, 21? (5 min.)

Katirok ha Pag-alagad:

Karantahan 126

5 min: Mga Pahibaro.

10 min: Gamit hin mga Pakiana Basi Epektibo nga Makagtutdo—Babin 2. Pakighisgot basado ha Eskwelahan ha Ministeryo nga libro, pahina 237, parapo 3, tubtob ha pahina 238, parapo 6. Ipapasundayag hin madaliay an usa o duha nga punto ha reperensya.

10 min: Lokal nga mga panginahanglan.

10 min: Ano an Aton Nahimo? Pakighisgot nga pagdudumarahon han paramangno han pag-alagad. Kumendasyuni an kabugtoan han ira pangalimbasog durante han panahon han Memoryal ngan unabiba an ira nahimo. Hangyoa hira ha pagsumat han ira mga eksperyensiya ha pag-auxiliary payunir durante han Marso, Abril, ngan Mayo.

Karantahan 83 Ngan Pag-ampo

Mga Pahibaro

■ Tanyag para ha **Mayo:** Barantayan ngan *Awake!* Kon interesado an kaistorya, itanyag an tract nga *Karuyag Mo ba Hibaroan an Kamatuoran?* ngan pangalimbasog nga makaktikang hin pag-aram. Kon nabalik bisita ha mga tinambong ha Memoryal, pangalimbasugi nga makaktikang hin pag-aram gamit an *Igintutudo han Biblia* nga libro. **Hunyo:** Ano Gud ba an Igintututudo han Biblia? Pangalimbasog nga makaktikang hin pag-aram ha siyahan ngan pagbisita. Kon may-ada na hito an tagbalay, mahimo itanyag an *Kahibaro nga Nagtutugway Ngadto ha Kinabuhi nga Waray Kataposan* ngan *Worship the Only True God* han mga kongregasyon nga may-ada hini ngan mga libro.

Hulyo Ngan Agosto: Bisan ano nga brosur. Kondi mas maopay nga itanyag an bag-o nga mga brosur nga *Ginlarang ba an Kinabuhi?* ngan *The Origin of Life* kon posible.

■ Ha masunod nga mga bulan, ipapadara namon an mga porma nga iyo pagkikinahanglanon durante han tiarabot nga tuig. Kon may iba pa nga porma nga iyo

pagkikinahanglanon, mahimo ini orderon gamit an *Literature Request Form* (S-14). Alayon hinumduumi nga an mga badge card para ha 2011 Distrito nga Kombensyon iuupod ha mga porma nga ipapadara salit diri na kinahanglan orderon, gawas la kon magkulang an iginpadara. Ngan kon nanginginahanglan kamo hin plastik para ha badge card, sadang orderon ito.

■ Bag-o nga Compact Disc:

Sing to Jehovah—Vocal—on CD, Disc 2—Ingles (19 han bag-o nga kanta)

Sampol nga mga Presentasyon

Ha Pagtikang hin Pag-aram ha Biblia ha Siyahan nga Sabado han Hunyo

“Kita ngatanan may-ada kapamilya o kasangkayan nga namatay na. Naglalaom ka ba nga makikita mo pa hira? [Tuguti nga bumaton.] Tigamni inin nakakaliaw nga punto.” Katapos basaha ngan hisguti an baton ha siyahan nga pakiana ha pahina 16 han Hunyo 1 ngan gowa han *Watchtower* ngan an usa han ginpapabasa nga teksto. Itanyag an magasin, ngan pakigsabot ha pagbalik basi hisgutan an baton han sunod nga pakiana.

THE WATCHTOWER® Hunyo 1 ANNOUNCING JEHOVAH'S KINGDOM

“Damu ha aton an nakukurian ha pagpaigo han aton kita, ngan an iba waray ngani han ira mga panginahanglan. Ha imo hunahuna, mabot pa ba an panahon diin waray na pobre? [Tuguti nga bumaton. Katapos basaha an Salmo 9:18.] Ginhihisgutan hini nga magasin an hinungdan han kapobrehan ngan an ginsisiring han Biblia nga tino ud nga solusyon hini.”

Awake!® Hunyo

“Problema yana ha bug-os nga kalibutan an terorismo. Para ha imo, ano an hinungdan hini? [Tuguti nga bumaton.] An Biblia naghahatag ha aton hin paglaom. [Basaha an Salmo 72:7, 14.] Iginpapakita hini nga magasin an pipira nga reason kon kay ano nga may-ada terorismo ngan an ginsisiring han Biblia kon paonan-o ngan kon san-o ito matatapos.”

Makatirigamnan nga Report ha Ministeryo

Nalilipay kami pagpahibaro nga ha bulan han Enero naabot naton an bag-o nga kadamu han magwarali nga 172,848. Mas damu ini hin 4,639 kay han Enero 2010. Sobra 3 ka milyon nga oras an gin-gamit ha ministeryo, ngan sobra 1 ka milyon nga magasin an iginpanaltag.